



შირაკი

SHIRAKI

გამოქვეყნდა 1937 წლიდან
დადოფლისწყაროს მუნიციპალიტეტის გაზეთი

№14 (10.022)
30 აპრილი-7 მაისი 2022 წელი
ფასი: 60 თეთრი
ყოველკვირეული გამოცემა

სამუშაო შეხვედრა მუნიციპალიტეტის მერებთან

კახეთის სახალხო მრეწველობის, ირაკლი შიოშვილის ხელმძღვანელობით მუნიციპალიტეტის მერებთან გასვლითი სამუშაო შეხვედრა ამჟამად დადოფლისწყაროს მუნიციპალიტეტში გაიმართა.

შეხვედრაზე მუნიციპალიტეტების მიხედვით განხილული იქნა მიმდინარე საკითხები და არსებული გამოწვევები.

ყურადღება გამახვილდა მიუსაფარი კომპანიონი ცხოველების მართვის საკითხზე, სამუშაო შეხვედრაში მიუსაფარ ცხოველთა მართვის კახეთის რეგიონული სააგენტოს ხელმძღვანელი, თემურაზ ზავრაშვილი იღებდა მონაწილეობას, რომელმაც გასული თვეები შეაჯამა და მოხსენებით წარსდგა თათბირზე.

შეხვედრის ფარგლებში განიხილეს პრემიერ-მინისტრის ინიციატივით დაწყებული პროგრამა „განახლებული რეგიონები“ და იმსჯელეს პროგრამის მიმდინარეობაზე რეგიონში განსახორციელებელი სხვა ინფრასტრუქტურული პროექტების პარალელურად.



სამელიორაციო ინფრასტრუქტურის საკითხებზე იმსჯელეს

შპს „საქართველოს მელიორაციის“ გენერალური დირექტორი, თინათინ ნასარიძე კახეთის სამხარეო ადმინისტრაციაში, სახალხო მრეწველობის მოადგილე, გივი მებრძვალთან ერთად, ადგილობრივი თვითმმართველობების ხელმძღვანელ პირებს შეხვდა.

სამუშაო შეხვედრაზე სამელიორაციო ინფრასტრუქტურის მიმართულებით ადგილზე გამოვლენილი საჭიროებები დეტალურად განიხილეს. მიმდინარე წელს, კახეთის რეგიონში 35 მლნ ლარზე მეტი ღირებულების სამელიორაციო ინფრასტრუქტურული პროექტები დაიწყება, შედეგად, დამატებით 6 ათასი ჰექტარი სასოფლო-სამეურნეო მიწის ფართობი რეგულარულად მოიხრწყება, ხოლო წყლის მიწოდება 10 ათას ჰექტარზე გაუმჯობესდება.

„სამუშაო შეხვედრა გავმართეთ ადგილობრივი ხელისუფლების წარმომადგენლებთან. მუნიციპალიტეტების მიხედვით, დეტალურად განვიხილეთ ის საჭიროებები, რომელიც ოპერატიულ რეაგირებას მოითხოვს. მოგეხსენებათ, კახეთის რეგიონში მოსახლეობის უმრავლესობა სასოფლო-სამეურნეო საქმიანობითა დაკავებული და, შესაბამისად, გამართული სამელიორაციო ინფრასტრუქტურა განსაკუთრებულად მნიშვნელოვანია. შეხვედრაზე დავგვემთხროთ განსახორციელებელი პროექტები. ჩვენი თანამშრომლობა აქტიურ რეჟიმში გაგრძელდება. ერთობლივი ძალისხმევით, უნდა შევქლოთ, სარწყავმა სეზონმა შეფერხებების გარეშე ჩაიაროს. ამ ეტაპზე, კახეთში, ერთდროულად, რამდენიმე პროექტი ხორციელდება. გურჯაანისა და სიღნაღის მუნიციპალიტეტებში ქვემო ალაზნის სარწყავი სისტემის, ხოლო ახმეტისა და თელავის მუნიციპალიტეტებში ზემო ალაზნის სარწყავი სისტემის წყალგამანაწილებლების რეაბილიტაცია მიმდინარეობს“, - განაცხადა შპს „საქართველოს მელიორაციის“ გენერალურმა დირექტორმა, თინათინ ნასარიძემ.



2022 წელს ახმეტისა და თელავის მუნიციპალიტეტებში:

*ზემო ალაზნის სარწყავ სისტემაზე დაგეგმილია: მაგისტრალური არხის მონაკვეთების აღდგენა-რეაბილიტაცია, ღვარსაშვის მოწყობა, სარწყავი სისტემის წყალგამანაწილებელზე დახურული მილსადენის აღდგენა, მაგისტრალური არხის გვირგვინის ავარიული მონაკვეთის აღდგენა-რეაბილიტაცია, სოფლების საკობიანო, ბაილოვანი და მატანის გზაგამტარების რეაბილიტაცია.

*გურჯაანისა და სიღნაღის მუნიციპალიტეტებში, ქვემო ალაზნის სარწყავ სისტემაზე შემდეგი სამუშაოები ჩატარდება: მაგისტრალურ არხზე არსებული სამთანყაროს წყალსაგდების, ვეჯინის სწრაფმდენის, მასზე არსებული სარეგულაციო კვანძის და კალაურის ავარიული წყალსაგდების რეაბილიტაცია; მაგისტრალური არხის გამანაწილებლების რეაბილიტაცია.

*ქალაქ ლაგოდეხში გამავალი სარწყავი არხის 2 კილომეტრიანი მონაკვეთი რკინაბეტონით მოპირკეთდება.

*დადოფლისწყაროს მუნიციპალიტეტში დაგეგმილია სოფელ სამთანყაროს მექანიკური მორწყვის სისტემის გამანაწილებელი ქსელის რეაბილიტაცია, ჩატარდება სამთანყაროს სატუმბო სადგურის სადანქნო მილსადენის დაზიანებული მონაკვეთის აღდგენის და ფიროსმანის სატუმბო სადგურის მოდერნიზაციის სამუშაოები.

*სიღნაღის მუნიციპალიტეტში, ძველი ანაგის მექანიკური მორწყვის სისტემაზე დამატებითი სარწყავი ქსელის მოწყობის სამუშაოები განხორციელდება.

ინოვაციური მიდგომები აბროკულტურაში - ყველაფერი ახალი დაიწყებული კვილია

/დასაწყისი წინა გვერდიდან/
 ასევე აღსანიშნავია, რომ პერმაკულტურაში ინტენსიურად გამოიყენება მულჩირება და კომპოსტირება, მიკროკლიმატური ზონების მონაცვლეობა, მცენარეთა შესაძლო თანაცხოვრება კულტურათა მონაცვლეობა, სასარგებლო მწერების მომრავლება და სხვა. მაგალითად სახლმა, როგორც სისტემის ერთ ერთმა ელემენტმა, შესაძლოა, სახურავით წყალი შემიგროვოს, სამხრეთის კედელთან საჩითილის ან პატარა სათბურის გაკეთება შეიძლება, რომლის ერთ ბოლოში ქათამს დაეასახლებ და ღამით სათბურში სითბოსა და ნახშირორჟანგს მოგვცემს, ასევე უფასო სასუქს. ასეთი მაგალითები უამრავი შეიძლება მოვიყვანოთ. ამიტომ თუ წინასწარ განვსაზღვრავთ თითოეული ელემენტის თვისებებს, შევძლებთ შევქმნათ იდეალური ეკო სისტემა ბუნებასთან თანამშრომლობის პრინციპით და ეს ფერმა იქნება თვითმყოფადი ცოცხალი ორგანიზმი, რომელიც ადამიანის დახმარებით და არა უხეში ჩარევით შეიძლება ავტომატურ ფუნქციონირებას და ჭარბი მოსავლის მოცემას. ბუნებაში არაფერი არ ხდება ძალის გამოყენებით, იქ სადაც ადამიანი არ ერევა ყველაფერი ჭარბადაა და მასთან თანამშრომლობით უნდა შევძლოთ ამ სიტუაციის შექმნა ჩვენს ბალებში.“

მოკლედ, ამ კონცეფციის მიმდევრებმა არხილოსკალოში დიდი ენთუზიაზმით დაიწყეს რეაბილიტაციური აბროკულტურის დანერგვა, რომორც გატონმა ბიამ აღნიშნა, სურთ დადონ რეალური შედეგი და მოსახლეობამ თავისი თვალთ ნახოს ის სიკეთეები, რაც ამ პროცესს მოჰყვება. ასეთი ბალები საქართველოში უკვე რამდენიმე ადგილას არის შექმნილი და საზოგადოების დიდი დაინტერესება გამოიწვევა, ამაზე ისიც მეტყველებს, რომ სასწავლო კურსში, ადგილობრივებთან ერთად, სხვა რეგიონებშიც დაინტერესდნენ და საკუთარი სარგებლობით ჩართნენ პროცესში. გატონი ბია მათ ვიდეო გაკვეთილებსაც სთავაზობს და ეხმარება სასარგებლო რჩევებით, რასაც შემდგომ თავიანთი რეგიონში, საკუთარ ბალებში გამოიყენებენ.



ანა ბენაშვილი, პროექტის მონაწილე, პარტნიორი ორგანიზაცია - „დედოფლისწყაროს ადგილობრივი განვითარების ჯგუფი“

„დედამინაზე ფეხი რომ დავდებით, უკვე ვალი გვაქვს მისი“...

დედამინის დღე - ყოველწლიური ღონისძიებაა, რომელიც 22 აპრილს აღინიშნება. ამ დღეს მსოფლიოს გარშემო იმართება გარემოს დაცვის მხარდასაჭერი ღონისძიებები. ის პირველად აღინიშნა 1970 წელს, დღესდღეობით კი დედამინის დღის ქსელის მიერ მსოფლიო მასშტაბითაა კოორდინირებული და ყოველწლიურად აღინიშნება 193-ზე მეტ ქვეყანაში.

2016 წლის დედამინის დღეზე ამერიკის შეერთებული შტატების, ჩინეთის და სხვა 120 ქვეყნის მიერ ხელი მოეწერა ისტორიული მნიშვნელობის მქონე „პარიზის შეთანხმებას“, რის შედეგადაც უნდა ამოქმედდეს ისტორიული კლიმატის დაცვის შეთანხმება, რომელიც 2015 წლის გაეროს კლიმატის ცვლილების კონფერენციის მონაწილე 195 სახელმწიფომ დადო პარიზში.

1969 წელს სან-ფრანცისკოში გამართულ იუნესკოს კონფერენციაზე, მშვიდობის აქტივისტმა ჯონ მაკკონელმა წამოაყენა აზრი, შექმნილიყო დედამინის და მშვიდობის ცნების პატივსაცემი დღე და ის პირველად აღნიშნულიყო 1970 წლის 21 მარტს, გაზაფხულის პირველ თვეს ჩრდილოეთ ნახევარსფეროში. მოგვიანებით მაკკონელმა ამ დღის შესახებ გამოაქვეყნა ოფიციალური განცხადება, რომელსაც ხელი მოაწერა გაეროს გენერალურმა მდივანმა. ერთი თვის შემდეგ შეერთებული შტატების სენატორმა გეილორდ ნელსონმა გარემოზე სამსჯელოდ

დააფუძნა ცალკე დედამინის დღე, რომელიც პირველად 1970 წლის 22 აპრილს გაიმართა. ნელსონმა ამისთვის მოგვიანებით თავისუფლების საპრეზიდენტო მედალი მიიღო. 22 აპრილის დედამინის დღე კონცენტრირებული იყო შეერთებული შტატებზე, თუმცა, დენის ჰეისმა, რომელიც 1970 წელს თავდაპირველი საყოველთაო ორგანიზების კოორდინატორი იყო, შექმნა ორგანიზაცია, რომელმაც ამ დღეს საერთაშორისო სახე მისცა და 141 ქვეყანაში გაუკეთა ორგანიზება. მრავალი გაერთიანება დედამინის კვირას აღნიშნავს, ერთკვირიანი აქტივობები გარემოს იმ პრობლემებს ეხება, რის წინაშეც მსოფლიო დგას.

ამ დღეს უამრავი აქტივობა მოეწყო ჩვენს მუნიციპალიტეტშიც. შესაბამისი ღონისძიება თითქმის ყველა სკოლას ჰქონდა დაგეგმილი. „დედამინაზე ფეხი რომ დავდგი, უკვე ვალი გავქვს მისი“ ამ სლოგანით ჩატარდა დედამინის დღისადმი მიძღვნილი ღონისძიება ქ.დედოფლისწყაროს მეორე საჯარო სკოლაში. ა(ა)იპ წმინდა მეფე ვახტანგ გორგასლის სახელობის ეკოკლუბ „ეკოლოგებმა“ ამავე სკოლის მოსწავლეებთან ერთად აღნიშნეს დედამინის დღე და სხვადასხვა აქტივობები განახორციელეს სკოლის ეზოში, მათ შორის, დასუფთავების და გამწვანების აქციები.

აღნიშნულ თარიღთან დაკავშირებით კომენტარი ვთხოვეთ ჭაჭუნას ალკვეთილის ადმინისტრაციის რესურსების უფროს სპეციალისტს, ბიოლოგს და ეკოლოგს, ქ.წმინდა ზურაბშილს: დედამინის საერთაშორისო დღე 1970 წლიდან აღინიშნება და ის მსოფლიოში ყველაზე მასშტაბური გარემოსდაცვითი საზოგადოებრივი ღონისძიებაა. ეს დღე სენატორმა გეილორდ ნელსონმა მას

შემდეგ დაარსა, როცა სანტა ბარბარას საზადოდან ნავთობი დაიდვარა, რამაც ოკეანის დაბინძურება და წყლის ბინადართა განადგურება გამოიწვია.

1990 წლიდან „დედამინის დღე“ საქართველოშიც აღინიშნება. გარემოს დამცველები ამ დღეს საზოგადოებას ასწავნიან, რომ ბუნებრივი რესურსი ამონურავადია და გაფრთხილება სჭირდება. ამ დღეს ტარდება გამწვანების და დასუფთავების აქციები.

მე-19 საუკუნიდან კლიმატის ცვლილებები მნიშვნელოვნად დაჩქარდა. სწრაფი ტემპით მიმდინარეობს პოლუსებზე ყინულის დნობის პროცესი. დნება მყინვარები, იჩენება ტროპიკული ტყეები, ეს კი იწვევს ბიომრავალფეროვნების მოსპობას. იმატებს საშუალო ტემპერატურა მსოფლიოში, გახშირდა ეკოლოგიური კატასტროფები და კლიმატის ცვლილებით გამოწვეული საფრთხეები. ყოველფერ აქედან გამომდინარე, კაცობრიობა დიდი გამოწვევის წინაშე დგება, რომლის გამოსწორებაც ძალიან რთულია. კლიმატის ცვლილებით მცირდება ბიომრავალფეროვნება, რაც იცავს ეკოსისტემას ინფექციური დაავადებებისგან.

ტრანსპორტის, საკვების და ენერჯის მოხმარების სწორი არჩევანის გაკეთების გზით, ჩვენ შეგვიძლია შევამციროთ დაბინძურება, გავაუმჯობესოთ გარემო და გავიუმჯობესოთ ჯანმრთელობა. მხოლოდ გარემოსადმი პასუხისმგებლობის გამოჩენა გვაძლევს იმის საშუალებას, რომ პოზიტიურად შევცვალოთ ჩვენი პლანეტის მომავალი.

„გავუფრთხილდეთ გარემოს, აქციე ყოველი დღე დედამინის დღედ“. დედამინა ჩვენი საერთო სახლია, რომლის დაცვაში თითოეულ ჩვენგანს დიდი წვლილის შეტანა შეუძლია. -დასძენს „შირაქთან“ საუბარში ქ.წმინდა ნათია და უმაღ



მასწავლებელი ერთი ამბავი. სამიოდე წლის წინ თბილისიდან სამგზავრო „მინივანი“ დედოფლისწყაროში ვბრუნდებოდი, ჩემთან ერთად ტრანსპორტში ბავშვანი, ახალგაზრდა ქალბატონიც მგზავრობდა. მან ბავშვს ბანანი შეაჭამა გზაში და ხილის ქერქი მანქანის ფანჯრიდან უპრობლემოდ მოისროლა, დამე იყო. როგორც დაინახა ეს მოქმედება ასევე ჩვენმა თანამგზავრმა და თანამოქალაქემ, ქ.წმინდა ნათია თვამემ, უმაღვე მიმართა მძღოლს მანქანის შეჩერების თხოვნით, გადავიდა ტრანსპორტიდან, იმ სიბნელეში მოძებნა ბანანის ქერქი და წამოიღო. მე პირადად აღმაფრთოვანა მისმა საქციელმა, არ ვიცი იმ ახალგაზრდა ქალმა რა იგრძნო, მაგრამ ის ზუსტად ვიცი, რომ სანამ თითოეული ჩვენთაგანის მოქმედება არ გახდება ისეთივე სამაგალითო და პასუხისმგებლიანი, რის მაგალითიც ძალიან თავმდაბლად და დიდსულოვნად მოგვცა იმ საღამოს ქ.წმინდა ნათია, სანამ არ დავიზვირებთ ჩვენს გონებაში, რომ „დედამინაზე ფეხი რომ დავდგი, უკვე ვალი გვაქვს მისი“, მანამდე კიდევ ბევრი, ძალიან ბევრი შრომა და დედამინისთვის სასარგებლო საქმეების კეთება მოგვინევს კაცობრიობას, რათა იარსებოს ჩვენმა პლანეტამ და გვაარსებოს ჩვენც, მისი თანამგზავრები.



მომზადდა ელზა ხარაშვილმა

შეღავათი თუ ზედმეტი ხარჯი?!

გამომთვლელი რამდენჯერაც უნდა ჩართოთ, მაინც ვერასდროს დაიანგარიშებთ, თუ რამდენჯერ გდომებიან საჭირო საქმისთვის გამოტანილი სესხის დროულად დაფარვა, იმას, თუ რამდენჯერ დაგივლიათ დარჩენილი დრო სესხის სრულ დაფარვამდე. ვერც იმას, თუ რამდენჯერ მიგიმატებიათ დასაფარი სესხის თანხა მწირი შემოსავლისთვის და რამდენჯერ გიოცნებიათ, რომ ეს თანხა თქვენთან რჩებოდეს და უკან ასმაგად არ აბრუნებდეთ, „მსესხებელთან“.

ყველაფერი კი ერთი მარტივი ფრაზით: „თანახმა ვარ“ და ხელის მოწერიტ იწყება. თუმცა ერთი განსხვავებით, ეს არც ქორწინებაზე თანხმობაა და არც მისი ოფიციალურად დარეგისტრირება. ეს სესხის გამოტანის ავბედითი პროცესია. თუმცა, არა, მოიცადეთ, მის მისაღებად თანამედროვე ცხოვრებაში ხომ ხელის მოწერაც კი არ გჭირდებათ. უბრალოდ, მომაბეზრებელ შეტყობინებაზე მის მოსაპირებლად დათანხმებული და ნათქვამი „კი“ კი საკმარისია, რომ ვუალა, საქმე გაკეთებულია. ანდაც ტელეფონში, მორიგი, ლამაზად შეფუთული საცდუნებელიც კი სმს-ად მოგეჩვენებათ და დაანვებით ღილაკს „ოკ“. შემდგომ კი იწყება ავადმომასწავებელ გრაფიკში გადახდის რიცხვის ლოდინი, რომელიც ისევე შეგძულდებათ, როგორც საბავშვო ბაღში გძულდათ მანიფაფა ანდაც კაკაო. ყველაფერი „გენიალურიც“ ხომ მარტივია.

ყველას გვყავს ერთი მეგობარი, ანდაც ნაცნობი, რომელმაც ქვეყანაში კორონავირუსის COVID-19-ის გავრცელების გამო შექმნილი მდგომარეობისა და მოსალოდნელი რისკების გათვალისწინებით, საქართველოს რამდენიმე კომერციული ბანკის სამთვლიანი საშელავათო პერიოდით სარგებლობა გადაწყვიტა, ანდაც, გადაწყვიტინეს, ავტომატურად, უნებლიედ. იფიქრებთ, ეს ხომ ძალიან კარგი იყო, საშელავათო პერიოდი ბევრმაც ძალიან კარგად გამოიყენაო, მაგრამ უნდა გვახსოვდეს, რომ ეს „ბევრია“, და არა „ყველა“. აქედან გამომდინარე, ეს შესაძლებლობა თქვენთვის შეიძლება სულაც არ წარმოადგენდა შელავათს და საბოლოოდ, ზედმეტი ხარჯის გაღება მაინც მოგიწიათ.

კომერციული ბანკების განცხადებით, სესხების გადავადებით სარგებლობა ნებაყოფლობითი და მსესხებლის სურვილზე იყო დამოკიდებული. თუმცა, ეს, ალბათ, მხოლოდ განცხადებით. სრულიად შემთხვევით, უბრალო გადამონმების მიზნით ბანკში მისული, თუ სულ სხვა რეალობას გადაწყდით, არ გაგიკვირდეთ, რადგან ეს ყველაფერი არც ისე შელავათურად ჟღერს, როგორც გგონიათ. გათვლილ და თვიდან თვემდე განერილ ფინანსებში, როდესაც მცირედი ცვლილებაც კი უარყოფითად აისახება ხოლმე ოჯახის არსებობაზე, სამთვლიანი და თანაც მომატებულ/გაძვირებულ/გადადებული სესხის დაფარვა, დამეთანხმებით, არც ისე ბედნიერების მომტანია.



„ბედნიერებით“ ტკობა უფრო მძაფრად შემოგიტევთ, თუ ეს არც თქვენი ნება-სურვილით მომხდარა და მსესხებელი თავის ინფორმაციულ ვაკუუმს თქვენ „გაბრალბთ“. საუკეთესო თავდაცვა რომ თავდასხმაა, ეს ყველამ კარგად ვიცით, გამოვცადეთ და ავითვისეთ.

თუმცა, იცით ასეთ ამბებში ყველაზე ტრაგიკული და ირონიული რა არის? მსესხებლის მძვიდი, ოდნავ ცინიზმშეპარული დაბალი ტემბრი და ამ „მათრობელა“ ტემბრს მოყოლილი შემოთავაზებათა ახალი ნუსხა: „თქვენ დამტკიცებული გაქვთ სამომხმარებლო სესხი, იპოთეკური სესხი, ოვერდრაფტი, საკრედიტო ბარათები, განვადება, სოციალური სესხები, ფიზიკურ პირებზე გაცემული სამენარმეო სესხები, ოქროთი უზრუნველყოფილი სესხი და ავტომობილით უზრუნველყოფილი სესხი, ხომ არ ინებებდით?“. ამ დროს თქვენ უნდა დაივინყოთ, რომ:

- 1)თქვენ გასარგებლეს საშელავათო პერიოდით, რომელიც სულაც არ გამოვიდა შეღავათი და სულაც არ იყო თქვენი ნება-სურვილით;
- 2)სესხი კი არ დამთავრდა, პირიქით, გაიწვია;
- 3)თქვენ მიერ გადასახდელი თანხა გადანაწილდა სესხის დაფარვამდე დარჩენილ თვეებზე;
- 4)ველარაფერს შეცვლით;

ალბათ, ამ ჩამონათვლიდან, ყველაზე რთულად დასავინყებელი მეოთხე ფიქრია, როდესაც ველარაფერს შეცვლით. ეს იმის პარალელურად, როდესაც ყველა თქვენი ქმედება თვალწინ „ამოიპრინტება“ და ასჯერ გადაკითხვაც კი არ შევლის მომხდარს. ფაქტია: ადამიანი ეგუება ყველაფერს, ნებსით თუ უნებლიედ, სხვა ამბავია, მაგრამ ეგუება...

ამპარაბ, ნაბისიარ საპითსთან დაკავშირებით დასგულ კითხვაზე „თანახმა ხარ“ თუ არა, ასჯერ უნდა გაზომოთ და ერთხელ გაჭრათ. სხვა დანარჩენ შემთხვევაში, ეს ძვეყანა ჩალით დაიფარება და უკან დასაბრუნებელი და გასათვალისწინებელიც, კვლავ ნახსით თუ უნებლიედ, ალარაფერი იქნება.



ი ყ ი დ ე ბ ა !

იყიდება ფუტკრის ლაფეტი რუსული სკებით და ყველა საჭირო ინვენტარით. მსურველები დაგვიკავშირდით შემდეგ ნომერზე.

ტელ: 595 14 51 10

ა მ ი ნ დ ი		დ ე დ ო ფ ლ ი ს ც ყ ა რ ო											
ორშაბათი 02.05 ღლე	სამშაბათი 03.05 ღლე	ოთხშაბათი 04.05 ღლე	ხუთშაბათი 05.05 ღლე	პარასკევი 06.05 ღლე	შაბათი 07.05 ღლე	კვირა 08.05 ღლე	ლაგვი	ლაგვი	ლაგვი	ლაგვი	ლაგვი	ლაგვი	ლაგვი
14°	7°	15°	7°	14°	7°	13°	7°	15°	8°	17°	8°	21°	9°

გამომცემელი შპს „შირაპი“
დირექტორი ინგა შიოლაშვილი
რედაქტორი ნაირა გორაშვილი-პოპიაშვილი
წერილში მოყვანილ ფაქტებსა და ციფრებზე პასუხს აუგებს ავტორი.

სარედაქციო კოლეგია: შუშუნა ყანაშვილი (ჟურნალისტი); ელზა ხარაშვილი (სტილისტ-მენეჯერი); ხათუნა ბენაშვილი (კორექტორი); ნათელა ზოსტაშვილი (ბულაღტერი); ნინო ჯანაშვილი (ოფის-მენეჯერი); მზია ქინძაძე (საქმის მწარმოებელი).
გაზეთი აიწყო და დაკაბადონდა „შირაპის“ კომპიუტერულ ბაზაზე.
ყოველკვირეული გამოცემა იბეჭდება შ.პ.ს „ელორ პრესის“ სტამბაში.

რედაქციის მისამართია:
ქალაქი დედოფლისწყარო,
ფირომანის №18,
ტელ. 0 356 22 22-85;
598 72-18-72 (დირექტორი)
591-09-24-65 (რედაქტორი)

რეგისტრირებულია
დედოფლისწყაროს რაიონის
სასამართლოს მიერ,
№6014-468.